



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, 1709

Actum Virtutum Fidei, Spei, Charitatis, Contritionis, Religionis, Gratitude, Resignationis, [et]c. utilissimè eliciendi, à sanis & moribundis.

[urn:nbn:de:hbz:466:1-50916](https://nbn-resolving.org/urn:nbn:de:hbz:466:1-50916)

ACTUS VIRTUTUM

*Fidei, Spei, Charitatis, Contritionis, Religionis,
Gratitudinis, Resignationis, &c. utilis-
simè eliciendi, à sanis & mori-
bundis.*

Credo firmissimè, quidquid Ecclesia Catho-
lica credendum proponit, & quidem in
specie ac nominatim; credo esse unum Deum
&c. (*inferantur, quæ scitu sunt necessaria ne-
cessitate mediæ, si putentur infirmo minus esse
nota*) & hæc quidem omnia ideo indubitan-
ter credo, & teneo, quia Deus meus hæc reve-
lavit, qui in verbis suis nec fallere potest, cum
sit æterna veritas, nec falli, cum sit omniscius.
Spero insuper à Deo meo æternam beatitudi-
nem, omniâque mediæ ad hanc obtinendam
necessaria: idque ideo, quia tu Deus hæc mihi
benignissimè promisisti, qui verax es in pro-
missis tuis, & ad promissa implenda omnino
potens. Amo te quoque Deus meus super
omnia, & plus quàm me, quia tu summum &
maximum bonum es. Quidquid amavi in
hoc mundo, aut amare potui, idcirco amavi,
quia bonum erat: tu, mi Deus, es maximum
bo-

bonum, quod omnium creaturarum pulchritudinem, suavitatem, bonitatem infinitis modis excedit, adeoque super omnes creaturas ob suam infinitam bonitatem omni amore dignissimum; Ac proinde tametsi nullum foret cælum, in quo te fruerer, nullus infernus, quem timerem, te tamen Deum meum ob infinitam bonitatem tuam intimè amo & diligo supra me ipsum, & omnia: doleoque ex toto corde, quod te summum bonum omni amore dignissimum unquam offenderim, cum firmissimo proposito te, ô mi Deus! ô omne bonum: nunquam offendendi. Amo quoque proximos meos, imò & inimicos meos ad tui imaginem à te creatos: idque propter te Deum meum, quia tu vis & præcipis hos amari à me. Unde ex amore tui omnibus ex corde ignosco, qui me unquam offenderunt, aut contristârunt; optoque ex corde, ut pro malis, quibus me affecerunt, omne illis bonam benignè retribuas. O mi Deus! si omnia possible corda in mea forent potestate, vellem his ipsis in te credere, & sperare, te super omnia diligere & proximum propter te, summèque dolere de te immenso bono unquam à me offenso. Revereor te quoque, omnemque tibi honorem ac cultum ex corde deferro, ô omni honore dignissima Deitas! in super immensas tibi refero grates, Deus meus, qui es infinita largitas, pro universis & singulis
 bene-

beneficiis, quæ à principio vitæ meæ usque ad hoc momentum in me indignissimum contulisti. In manus tuas ô paterna pietas ac providentia! quæ in sui dispositione non fallitur, me, omniâque mea perfectè resigno. Paratum cor meum Deus, paratum cor meum: tua sancta, justa & benevola voluntas semper & in omnibus sit quoque mea. Calicem, quem dat mihi Pater, mei amantissimus, licet amarum, non recusò ebibere cum JESU, ejusque doloribus jungo meos, atque sic unitos Patræ caelesti pro peccatis à me commissis, pro salute animæ meæ, pro refrigerio animarum in purgatorio, pro conversione peccatorum, gentilium ac infidelium, ex corde offero. Deus meus, amor meus, hoc est filiale desiderium meum, ut cor meum omnesque arteriæ meæ diu nocturneque nil aliud pulsent, quam continuas tuas laudes, & gratiarum actiones. O morienti mihi sint hæ ultimæ voces, JESUS, MARIA, JOSEPH. Inter brachia Josephi Patroni mei, in sinu amantissimæ Matris ac Advocatæ meæ B. Virginis, in vulneribus Domini mei pro me Crucifixi vivere ac mori desidero.

S U S P I R I U M.

Dulcissime JESU, per illam amaritudinem, quam sustinuisti propter me in cruce, maximè, quando anima tua benedicta egressa est de corpore tuo miserere animæ meæ in egressu suo. Amen. *Vide Cesar.*

[PRO-